

西安碑林全集

開成石經

第一六五卷 春秋左氏傳



帝聿懷多福厥德不回以
受方國君無違德方國將
至何患於彗詩曰我無所
監夏后及商用亂之故臣
卒流亡若德回亂臣將流
亡祝史之爲無能補也公

說乃止齊侯與晏子坐于
路寢公歎曰美哉室其誰
有此乎晏子曰敢問何謂
也公曰吾以爲在德對曰
如君之言其陳氏乎陳氏
雖無大德而有施於民

區釜鍾之數取之公也
薄其施之已厚公厚歛
焉陳氏厚施焉已歸之矣
詩曰雖無德與女式歌且
舞陳氏之施與歌舞之矣
後世若少惰陳氏而不亡


則國其國也。已。公曰：善哉！
是。可。若。何。對曰：唯禮可以
已之。在禮，家施不及國，民
不遷，農不移，工賈不變，士
不濫，官不淫，大夫不收。公
利，公曰：善哉！我不能矣。吾

今而後知禮之可以爲國也對曰禮之可以爲國也久矣與天地並君令臣民父慈子孝兄愛弟敬妻柔姑慈婦聽禮也君令而不違臣共而不貳父慈

而教子孝而箴兄愛而友
弟敬而順夫和而義妻柔
而正姑慈而從婦聽而婉
禮之善物也公曰善哉寡
人舍而後聞此禮之上也
對曰先王所臬於天地以

爲其臣也是以先王上之

春秋卷第廿五



春秋經傳集解昭七第廿六

杜氏盡廿二年

經廿有七年春公如齊公
至自齊居于鄆夏四月吳
弑其君僚楚殺其大夫卻

宛秋晉士鞅未樂祁犁衛
北宮喜曹人邾人滕人會
于扈冬十月曹伯卒邾
快來奔公如齊公至自齊
居于郚
傳卅七年春公如齊公至

自齊處于鄆言在外也吳
子欲因楚喪而伐之使公
子掩餘公子燭庸帥師圍
潛使延州來季子聘于上
國遂聘于晉以觀諸侯楚
莠尹然工尹麋帥師救潛

左司馬沈尹戌帥都君子
與王馬之屬以濟師與吳
師遇于窮谷令尹子常以舟
師及沙汭而還左尹卻宛
工尹壽帥師至于潛吳師
不能退吳公子光曰此時

也弗可失也告鱄設諸
上國有言曰不索何獲我
王嗣也吾欲求之事若克
季子雖至不吾廢也鱄設
諸曰王可弑也母老子弱
是無若我何光曰我爾身

也夏四月光伏甲於堀室
而享王王使甲坐於道及
其門門階戶席皆王親也
夾之以鉞羞者獻體改服
於門外執羞者坐行而入
執鉞者夾承之及體以相

授也先僞足疾入于堦室
罇設諸寘劍於魚中以進
抽劍刺王鉞交於胃遂弑
王閼廬以其子爲卿季子
至曰苟先君無廢祀已人
無廢主社稷有奉國家無

傾乃吾君也。吾誰敢怨哀。
死事生以待天命。非我生
亂立者從之。先人待道也。
復命哭墓復位而燭。吳公
子掩餘奔徐。公子其庸奔
鍾吾。楚師聞吳亂而還卻。